



鹿内集

三卷



鹿門詩集序

并山川英淑奇麗當塞阨之衝古多豪士事武功健馬

垂光宇內未有鈞錦繡一作秀絕擅聲詞翰者君出其中

翁輕清以爲性結冷汰以爲質煦鮮榮以爲詞偏於逸

歌長句駿奔踔厲往往而劇李白杜甫死非君而誰哉

君諱彥謙字茂業咸通二年進士以文章入仕操官履

潔如其爲文晚從王重榮辟從事河中歷薊絳諸州刺

史所至有能績光啓七年隱居鹿門山以著述爲任與

施肩吾希聖薛能大拙爲詩友而二君皆以爲不逮折

行與交君卒業多散落予爲輯綴僅二百餘篇黃鍾玉

磬成其篇章者因題曰鹿門集析爲三卷武城鄭貽序

鹿序

一
晨風閣



93992

鹿門集目錄

卷上

逢韓喜

晦亭

詠月

松梅二詠

葡萄

漁

秋葵

春日偶成

七夕

鹿目

翡翠

留別

憶孟浩然

無題十首

夜坐

題證道寺

原上

自詠

卷中

遊陽明洞呈王理得諸君

新豐

拜越公墓因遊定水寺有

夜坐示友

歲除

聞應德茂先離棠溪

蘭二首

春草十首

留別四首

春草三首

秋日感懷

懷友二首

詠馬二首

詠竹

寄友三首

寄同上人

弔方千處士二首

題趙畎別業

寄臺省知己

自詠

自詠

自詠

新豐

拜越公墓因遊定水寺有

一
晨風開

懷源老

任潛謀隱之作

晚秋中溪

寄陳少府兼簡叔高

過清涼寺王導墓

第三溪

蒲津河亭

毘陵道中

越城待旦

過浩然先生墓

贈孟德茂

秋霽豐德寺與平貞師詠

月

長陵

留別

宿獨留

客中感懷

過三山寺

望夫石

過湖口

夜泊東溪有懷

登廬山

鹿目

二
晨風閣

金陵九日

遊清涼寺

高平九日

金陵懷古

道中逢故人

早行遇雪

樊登見寄四首

卷下

春風四首

感物二首

和陶淵明貧士詩七首

舟中望紫巖

九日遊中溪

六月十三日土陳徵博士

宿田家

夏日訪友

遊南明山

索蝦

採桑女

遣許戶曹

詠葡萄

蟹

敘別

目錄終

鹿目

三
晨風閣



鹿門集卷上

絳州刺史唐 彥謙 茂業

逢韓喜

相逢渾不覺，祇似穆陵貧。裊裊花驕客，蕭蕭雨淨春。借書消茗困，索句寫梅真。此去青雲上，知君有幾人。

夜坐示友

夜久燭花落，淒聲生遠林。有懷嫌會淺，無事又秋深。黃葉歸田夢，白頭行路吟。山中亦可樂，不似此同襟。

晦亭

東海窮詩客，西風古驛亭。髮從殘歲白，山入故鄉青。世事徒三窟，兒曹且一經。丁寧速賒酒，煮粟試砂瓶。

歲除

歲除

索索風搜客，沈沈雨洗年。殘林生獵迹，歸鳥避窳烟。節物杯漿外，溪山髣髴前。行藏都未定，筆硯或能捐。

詠月

陰盛此宵中，多爲雨與風。坐無風雨至，看與雪霜同。抱濕離瑤海，傾寒向遠空。年年不相值，還似道難通。

聞應德茂先離棠溪

落日蘆花雨，行人穀樹村。青山時問路，紅葉自知門。首蓓窮詩味，芭蕉醉墨痕。端知棄城市，經席許頻溫。

松

托根蟠泰華，倚幹蝕莓苔。誰云山澤間，而無梁棟材。

梅

玉人下瑤臺春風動輕素畫角弄江城明瑤月中墮

蘭二首

清風搖翠環涼露滴蒼玉美人胡不紉幽香藹空谷
謝庭漫芳草楚畹多綠莎于焉忽相見歲晏將如何

葡萄

金谷風露涼綠珠醉初醒珠帳夜不收月明墮清影

春草

隨夢入池塘無心在金谷春風自年年吹遍天涯綠

漁

相聚卽爲隣烟火自成族約伴過前溪撐破蘼蕪綠

鹿上

留別四首

鵬程三萬里別酒一千鍾好景當三月春光上國濃
野花紅滴滴江燕語喃喃鼓吹翻新調都亭酒正酣
登庸趨俊乂廁用野無遺喜起賡歌日明良際會時
鹽車淹素志長阪入青雲老驥春風裏奔騰獨異羣

秋葵

月瓣團欒剪赭羅長條排葢綴鳴珂傾陽一點丹心在
承得中天雨露多

春草

天北天南繞路邊托根無處不延綿萋萋總是無情物
吹綠東風又一年

春日偶成

秦箏簫管和琵琶興滿金尊酒量賒歌舞留春似海
美人顏色正如花

秋日感懷

溪上芙蓉映醉顏悲秋宋玉鬢毛斑無情最恨東流水
暗逐芳年去不還

七夕

會合無由歎久違一年一度是緣非而予願乞天孫巧
五色綉針補袞衣

懷友

金井涼生梧葉秋閑看新月上簾鉤水壺總憶人如玉
鹿上

三晨風閣

目斷重雲十二樓

翡翠

莎草江汀漫晚潮翠華香撲水光遙玉樓春暖笙歌夜
粧點花鈿玉舞翹

詠馬二首

紫雲團影電飛瞳駿骨龍媒自不同騎過玉樓金轡響
一聲嘶斷落花風

峻嶒高聳骨如山遠放春郊首蓓開百戰沙場汗流血
夢魂猶在玉門關

留別

丹湖湖上送行舟白雁啼殘蘆葉秋采石江頭舊時路

題詩還憶水邊樓

詠竹

醉卧涼陰沁骨清石床水簟夢難成月明午夜生虛籟
悞聽風聲是雨聲

憶孟浩然

郊外陵荒西復東雪晴驢背興無窮句搜明月梨花內
趣入春風柳絮中

寄友三首

新酒秦淮縮項鱖凌霄花下共流連別來客邸空翹首
細雨春風憶往年

寒燈孤對擁青氍毹落何如似客邊却憶花前酣後飲

鹿上

四晨風閣

醉呼明月上遙天

客裏逢春一惘然梅花落盡柳如烟無情最恨東來雁
底事音書不肯傳

無題十首

細草鋪茵綠滿堤燕飛晴日正遲遲尋芳陌上花如錦
折得東風第一枝

錦箏銀甲響鶻弦句引春聲上綺筵醉倚闌干花下月
星梳斜鞞鬢雲邊

楚雲湘雨會陽臺錦帳芙蓉向夜開吹罷玉簫春似海
一雙彩鳳忽飛來

春江新水促歸航惜別花前酒漫觴倒盡銀瓶渾不醉

却憐和淚入愁腸

誰知別易會應難
目斷青鸞信渺漫
情似藍橋橋下水
年來流恨幾時乾

漏滴銅龍夜已深
柳梢斜月弄疎陰
同芳草年年恨
剔盡燈花夜夜心

夜合庭前花正開
輕羅小扇爲誰裁
多情驚起雙蝴蝶
飛入巫山夢裏來

憶別悠悠歲月長
酒兵無計敵愁腸
柔絲漫折長亭柳
綰得同心欲寄將

楊柳青青映畫樓
翠眉終日鎖離愁
杜鵑啼落枝頭月
多爲傷春恨不休

鹿上

五張風閣

雲色鮫綃拭淚顏
一簾春雨杏花寒
淺時重會鴛鴦侶
月下吹笙和綵鸞

寄同上人

高高山頂寺更有最高人
定起松鳴屋吟圓
月上身雲藏三伏
熱水激百溪
津曾乞蘭花供
無書又過春

夜坐

秋鬢丁年白
寒燈丙夜青
不眠驚戍鼓
久客厭郵鈴
洶洶海城噴
踈踈屋滿星
十年窮父子
相守慰飄零

弔方干處士二首

不謂高名下終全
玉雪身交猶及前
輩語不似今人別
號行鳴雁遺編感
獲麟
飲儀應自定
只著古衣巾

不比他人死何詩可挽君淵明元懶仕東野別攻文滄
海諸公淚青山處士墳相看莫浪哭私諡有前聞

題證道寺

鸞環青徑斜自是野僧家滿澗洗巖液插天排石牙爐
寒餘柏子架靜落藤花記得逃兵日門多貴客車

宿趙峽別業

溪山兵後縣風雪旅中人迨夜愁嚴鼓衝寒託軟巾摧
藏名字在疏率饌餽眞今代徐元直高風可自親

原上

危橋橫古渡村野帶平林野鷺寒塘靜山禽曉樹深雨
微風矗雲暗雪侵尋安道門前水清遊豈獨吟

鹿上

六
長風閑

寄臺省知己

久懷聲籍甚千里致雙魚宦路終推轂親幃且著書才
名賈太傅文學馬相如轍跡東巡海何時適我閭

自詠

白髮三千文青春四十年兩牙搖欲落雙膝痺如攣強
仕非時彥無聞愧昔賢自期終見惡未忍拾遺編

鹿門集卷上終

鹿門集卷中

絳州刺史唐 彥謙 茂業

遊陽明洞呈王理得諸君

禹穴蒼茫不可探，人傳靈笈鎖烟嵐。
初晴鶴點青邊嶂，欲雨龍移黑處潭。
北斗齋壇天寂寂，東風仙洞草萋萋。
堪憐尹叟非關吏，猶向江邊逐老聃。

新豐

蒨中歌舞百餘人，帝業功成里巷新。
半夜素靈先哭楚，一星遺火下燒秦。
龜貅掃盡無三戶，雞犬歸來識四隣。
惆悵故園前路遠，曉風長路起埃塵。

拜越公墓因遊定水寺有懷源老

鹿中

一 晨風閣

越公已作飛仙去，猶得潭潭好墓田。
老樹背風深拓地，野雲依海細分天。
青峯曉接鳴鐘寺，玉井秋澄試茗泉。
我與源公舊相識，遺言瀟洒有人傳。

任潛謀隱之作

江邊秋日逢任子，大理索詩吾欲忘。
爲問山資何次第，祇餘丹訣轉淒涼。
黃金范蠡曾辭祿，白首虞翻未信方。
千古浮雲共歸思，曉風城郭水花香。

晚秋遊中溪

淡竹岡前沙雁飛，小花尖下柘丸肥。
山雲不卷雨自薄，天氣欲寒人正歸。
招伴祇須新稻酒，臨風猶有舊苔磯。
故人舊業依稀在，怪石老松今是非。

寄陳少府兼簡叔高

懷人路絕雲歸海，避俗門深草蔽邱。
萬事漸消閑客夢，一虛白少年頭。
山醬啼綬從除架，淮雁來多莫上樓。
近日隣家有新釀，每逢詩伴得淹留。

過清涼寺王尊墓下

江左風流廊廟人，荒墳拋與楚宮隣。
多年羊虎猶眠石，敗壁貂蟬祇貯塵。
萬古雲山同白骨，一庭花木自青春。
永思陵下猶淒切，廢屋寒風吹野薪。

第三溪

日晏霜濃十二月，林疎石瘦第三溪。
雲沙有徑縈寒燒，松屋無人聞晝雞。
幾聚衣冠埋作土，當年歌舞醉如泥。

鹿中

早知涉世眞成夢，不棄山田春雨犁。

蒲津河亭

宿雨清秋霽景澗，廣亭高樹向晨興。
烟橫博望乘槎水，日上交王避雨陵。
孤棹夷猶期獨往，曲闌愁絕每長凭。
思鄉懷古多傷別，況此哀鳴意不勝。

毘陵道中

百年只有百清明，狼狽今年又避兵。
烟火誰開當日禁，簪裾那復麗人行。
禾麻地廢生邊氣，草木春寒起戰聲。
渺渺飛鴻天斷處，古來還是闔閭城。

越城待旦

策策虛樓竹隔明，悲來展轉向誰傾。
天寒胡雁出萬里

月落越雞啼四更爲底朱顏成老色看人青史上新名
清溪白石村村有五尺烏髯託此生

過浩然先生墓

人間萬卷龐眉老眼見堂堂入草萊行過須當下馬拜
故交誰復畏雞來山花不語如聽講溪水無情自薦哀
猶勝黃金買碑碣百年名字已煙埃

贈孟德茂

浩然子

江海悠悠雪欲飛抱書空出又空歸沙頭人滿鷗應笑
船上酒香魚正肥塵土竟成誰計是山林又悔一年非
平生萬卷應夫子兩世功名窮布衣

秋霽豐德寺與玄貞師詠月

鹿中

三晨風閣

露冷風輕霽魄圓高樓更在碧山顛四溟水合疑無地
八月槎通好上天黯黯星辰環紫極喧喧朝市匝青烟
夜深獨與巖僧語羣動消聲舉世眠

長陵

長陵高闕此安劉耐葬纍纍盡列侯豐上舊居無故里
沛中原廟對荒丘耳聞明主提三尺眼見愚民盜一坏
千載腐儒騎瘦馬渭城斜月重回頭

留別

西入潼關路何時更盍簪年來人事改老去鬢毛侵花
染離筵淚葵傾報國心龍潭千尺水不似別情深

宿獨留

日晚獨留■人家半掩門羣鴉棲老樹一犬吠荒村爭
買魚添價新筠酒帶暉船頭對初月誰與共清論

客中感懷

客路三千里西風兩鬢塵貪名笑吳起說國嘆蘇秦
興非耽酒思家豈爲蕁今夜月獨照異鄉人

過三山寺

三山江上寺客殿望岩巖石徑侵高樹沙灘半種苗一
僧歸晚日羣鷺宿寒潮遙聽風鈴語興亡話六朝

望夫石

江上見危磯人形立翠微妾來終日望夫去幾時歸明
月空懸鏡蒼苔漫補衣可憐雙眼淚千古斷斜暉

鹿中

四晨風閣

過湖口

江湖分兩路此地是通津雲淨山浮翠風高浪潑銀人
行俱是客舟任卽爲鄰俯仰烟波內吟蛸寄此身

夜泊東溪有懷

水昏天色晚崖下泊行舟獨客傷歸雁孤眠歎野鷗溪
聲牽別恨鄉夢惹離愁酒醒推篷坐淒涼望女牛

登廬山

五老峯巔望天涯在目前湘潭淨夜雨已蜀暝寒烟泰
華根同時嵩衡脈共聯憑虛有仙骨日月看推遷

金陵九日

野菊西風滿路香雨花臺上集壺觴九重天近瞻鍾阜

五色雲中望建章
綠酒莫辭今日醉
黃金難買少年狂
清歌驚起南飛雁
散作秋聲送夕陽

遊清涼寺

白雲紅樹路紆縈
古殿長廊次第行
南望水連桃葉渡
北來山枕石頭城
一塵不到心源靜
萬有俱空眼界清
竹院逢僧舊曾識
旋披禪衲爲相迎

高平九日

雲淨南山紫翠浮
憑陵絕頂望悠悠
偶逢佳節牽詩興
漫把芳樽遣客愁
霜染鴉槐迎日醉
寒衝徑水帶冰流
烏紗頻岸西風裏
笑插黃花滿鬢秋

金陵懷古

鹿中

五
晨風閣

碧樹涼生宿雨收
荷花荷葉滿汀洲
登高有酒渾忘醉
慨古無言獨倚樓
宮殿六朝遺古跡
衣冠千古漫荒丘
太平時節殊風景
山自青青水自流

道中逢故人

蘭陵市上忽相逢
敘別殷勤興倍濃
良會若同雞黍約
暫時不放酒杯空
愁牽白髮三千丈
路入青山幾萬重
行色一鞭催去馬
畫橋嘶斷落花風

早行遇雪

下馬天未明
風高雪何急
須臾路欲迷
頃刻山盡白
雞犬寂無聲
曙光歛寒色
荒村絕烟火
髯凍布袍濕
王事不可緩
行行動動淒淒

樊登見寄四首

新辭剪秋水洗我胷中塵無由愜良會極目空懷人醉
來拔劍歌字字皆陽春

輕黃著柳條新春喜更始感時重搔首悵望不能已無
由託深情傾瀉芳樽裏

明月入我室天風吹我袍良夜最岑寂旅況何蕭條馳
情望海波一鶴鳴九臯

悠悠括城北盼盼巖泉西宿草暝烟綠苦竹含雲低幽
懷不可託鷓鴣空自啼

鹿門集卷中終

鹿中

六
晨風閣

鹿門集卷下

絳州刺史唐 彦謙 茂業

春風四首

春風吹愁端散漫不可收不如古溪水祇望鄉江流
新花紅爍爍舊花滿山白昔日金張門狼籍餘廢宅一
回頭語春風莫向新花叢我見朱顏人多金亦成翁
多金不足惜丹砂亦何益更種明年花春風自相識

感物二首

駉驥初失羣亦自矜趨騰俛仰歲時久帖然困蚊蠅豪
鯨逸其穴尺水成滄溟豈無魚鼈交望望爲所憎物理
有翁張達人同廢興幸無怵迫憂聊復曲吾肱

鹿下

魚目出泥沙空村百金珍象章值擁輦細細供蒸薪論
材何必多適用卽能神託交何必深寡尤永相親鮑叔
拙羈魯張生窮厄陳茫然扳援際豈意出風塵

和陶淵明貧士詩七首

貧賤如故舊少壯卽相依中心不敢厭但覺少光輝向
來乘時士亦有能奮飛一朝權勢歇欲退無所歸不如
行其素辛苦耐寒饑人生繫天運何用發深悲

我居在窮巷來往無華軒辛勤衣食物出此二畝園薤
菘鬱朝露桑柘浮春烟以茲亂心曲智計無他研擇勝
不在奢興至發清言相逢樵牧徒混混誰愚賢

松風四山來清宵響瑤琴聽之不能寐中有怨歎音旦

起繞其樹硯柯不計尋清陰可敷席有酒誰與斟由來
大度士不受流俗侵洪歌相倡答慰此霜雪心

中年涉事熟欲學唾面婁逡巡避少年赴穢不敢誦旁
人吁已甚自喜計慮周微勞消厚疾淺辱勝深憂從知
爲下安處上反無傷人生各有志勇懦從所求

古人重畝畝有祿不待千德成祿自至釋耒列王官不
仕亦不貧本自足饗殮後世恥躬耕號呼脫饑寒我生
千禩後念此愧在顏爲農尙可飽何用出紫闕

村郊多父老面垢頭如蓬我嘗使之年言語不得工古
來名節士敢望彭城冀有叟謂其後更恨道不同鄙哉
謔謔者爲隘不爲通低頭拜野老負米吾願從

鹿下

二晨風閣

去年秋事荒取糴仰鄰州從者道路間什百成朋儔今
年漸向熟庶幾民不流書生自無田與衆同喜憂作詩
勞鄰曲有倡誰與酬亦無採詩者此何可脩

舟中望紫巖

近山如畫壻遠山如帚長我從雲中來回頭白茫茫惜
去乃爾覺常時自相忘相忘豈不佳遣此懷春傷飄洒
從何來衣巾溼微涼初疑風雨集冉冉遊塵黃無歸亦
自可信美非吾鄉登舟望東雲猶向帆端翔

九日遊中溪

悠悠循澗行磊磊據石坐林垂短長雲山綴丹碧顛夢
花最無數照水嬌婀娜何知是節序風日自清妥羣童

競時新萬果間蔬蔬欣然爲之醉烏帽危不墮此日山中懷孟公不如我

六月十三日上陳微博士

驕雲散飛雨隨風爲有無老農終歲心望旋在須臾平生官田粟長此禮義軀置之且勿戚一飽任妻孥

青青澤中蒲九夏氣淒寒翺翺翠羽羽照影蒼谿間巢由薄天下俗士榮一官小大各有適自全亘獨難

窮居無公憂私此長夏日蚊蠅如俗子正爾相妬嫉塵驅非吾任遁避亦無術惟當俟其定靜坐萬慮一

宿田家

落日下瑤墀荒村倦行履停車息茅店妥寢正鼾睡忽

鹿下

三晨風閣

聞扣門急云是下鄉隸公文捧花押鷹隼駕聲勢良民懼官府聽之肝膽碎阿母出搪塞老腳走顛躓小心事延歛■餘糧復匱東鄰借種雞西舍覓芳醕再飯不厭飽一飲直呼醉明朝怯見官苦苦燈前跪使我不成寐爲渠滴清淚民膏日已瘠民力日逾弊空懷伊尹心何補堯舜治

夏日訪友

堤樹生晝涼濃陰撲空翠孤舟喚野渡村曠入幽邃高軒俯清流一犬隔花吠童子立門牆問我向何處主人聞故舊出迎時倒屣驚訝敘閒闊屈指越寒暑殷勤爲延欸偶爾得良會春盤擘紫蝦冰鯉斫銀鱸荷梗白玉

香苻菜青絲脆臘酒擊泥封羅列總新味移席臨湖濱
對此有佳趣流連送深杯賓主共忘醉清風岸烏紗長
揖謝君去世事如浮雲東西渺烟水

遊南明山

久聞南明山共慕南明寺幾度欲登臨日逐擾人事于
焉偶閑暇鳴轡忽相聚乘興樂遨遊聊此托佳趣涉水
渡溪南迢遙翠微裏石磴千疊斜峭壁半空起白雲鎖
峰腰紅葉暗溪嘴長藤落虛巖疎花映寒水金銀珙梵
刹丹青照廊宇石梁臥秋溟風鈴作簷語深洞結苔陰
嵐氣滴晴雨羊腸轉咫尺鳥道轉千里屈曲到禪房上
人喜延伫香分宿火薰茶汲清泉煮投閑忘萬機三生

鹿下

四
晨風閣

有宿契行厨出盤飧擔囊倒芳醕脫冠掛長松白石藉
俯倚宦途勞營營暫此滌塵慮令促傳觴投壺更聯
句興來較勝負醉後忘爾汝忽聞乳蒲牢落日下雲
長嘯出烟蘿揚鞭賦歸去

索蝦

姑孰多紫蝦獨有湖陽優出產在四時極美宜於秋
筍鼓繁鬚當頂抽長矛鞠躬見湯王封作朱衣侯所以
供盤飧羅列同珍羞蒜友日相親瓜朋時與儔旣名鈞
詩鈞又作鈞詩鈞于時同相訪數日承欸留厭飫多美
味獨此心相投別來歲云久馳想空悠悠銜杯動遐思
嗒口涎空流封緘托雙鯉于焉來遠求慷慨胡隱君

肯分惠不

採桑女

春風吹蠶細如蟻桑芽纔弩青鴉嘴侵晨采誰家女
手挽長條淚如雨去歲初眠當此時今歲春寒葉放遲
愁聽門外催里胥官家二月收新絲

送許戶曹

沙頭小燕鳴春和楊柳垂絲烟倒拖將軍樓船發浩歌
雲檣高插天嵯峨白虹走香傾翠壺勸飲花前金叵羅
神鰲駕粟升天河新承雨澤浮恩波

詠葡萄

西園晚霽浮嫩涼開尊漫摘葡萄嘗滿架高撐紫絡索

鹿下

五

辰風閣

一枝斜彈金琅璫天風颭葉栩栩蝴蝶聲乾作晴雨
神蛟清夜蟄寒潭萬片濕雲飛不起石家美人金谷遊
羅幃翠幙珊瑚鈎玉盤新薦入華屋珠帳高懸夜不收
勝遊記得當年景清氣逼人毛骨冷笑呼明月上遙天
醉倚銀床弄秋影

蟹

湖田十月清霜墜晚稻初香蟹如虎扳罾拖網取賽多
簞箕挑將水邊貨縱橫連瓜一尺長繡凝錢色含湖光
螯蟕石蟹已曾食使我一見驚非常買之最厭黃髯老
償價十錢尙嫌少漫誇丰味過蝓蚌尖臍尤勝團臍好
充盤煮熟堆琳瑯橙膏醬滌調堪嘗一斗擘開紅玉滿

雙螯啣出瓊酥香岸頭沾得泥封酒細嚼頻斟弗停手
西風張翰苦思鱸如斯風味能知否物之可愛尤可憎
嘗聞取刺於青蠅無腸公子固稱美弗使當道禁橫行

敘別

譙樓夜促蓮花漏樹陰搖月蛟螭走蟠拏對月吸深杯
月府清虛玉兔吼翠盤擘脯臙脂香碧椀敲冰分蔗漿
十載番思舊時事好懷不似當年狂夜合花香開小院
坐愛涼風醉吹面醉中彈劍發清歌白髮年來爲愁變

鹿門集卷下終

鹿下

六
晨風閣

鹿門集拾遺目錄

月

七夕

八月十六日夜月

興元沈氏莊

緋桃

牡丹

秋晚高樓

柳

春陰

寄懷

小院

文惠宮人

春雪初霽杏花正芳月上夜吟

贈竇尊師

穆天子傳

楚天

寄徐山人

題宗人故帖

垂柳

遺目

登興元城觀烽火

鄧艾廟

曲江春望

漢殿

賀李昌時禁苑新命

羅江驛

奏捷西蜀題池江驛

春早落英

仲山

漢嗣

四老廟

南梁戲題漢高廟

洛神

初秋別慈州冬首換絳牧

重經馮家舊里

克復後登安國寺閣

題虔僧室

見煬帝寶帳

樓上偶題

親仁里聞猿

聞李瀆司勛下世

試夜題省廊柱

竹風

長溪秋望

嚴子陵

北齊

楚世家

驪山道中

韋曲

黃子陂荷花

野行

目錄終

遺目

二晨風閣

鹿門集拾遺

月雜詠作中秋夜說月

一上一作夜高樓萬景奇碧天無際水無涯一作只留皎

月當層漢並送浮雲出四維霧盡一作靜不容玄豹隱冰

生祇一作惟恐夏蟲疑坐來離思憂生晚一作將曉爭得姮娥

仔細知

七夕

露白風清夜向晨小星垂珮且埋輪絳河浪淺休相隔

滄海波深尙作塵天外鳳凰何寂寞世間烏鵲漫辛勤

猗蘭殿北斜樓上多少通宵不睡一作寐人

八月十六日夜月

鹿遺

一長風閣

斷腸佳賞固難期昨夜消魂更不疑丹桂影空蟬一作蟾

有露綠槐陰在鵲無枝懶將吟詠聊惆悵早是疎頑耐

別離堪恨賈生曾慟哭不緣清景為憂時

雜桃三體唐詩

短牆荒圃四無鄰烈火緋桃照地春坐久好風休掩袂

夜來細雨已沾巾敢同俗態期青眼似有微辭動絳唇

盡日更無鄉井念此時何必見秦人

牡丹

真宰多情巧思新固將能事送殘春為雲為雨徒虛語

傾國傾城不在人開日綺霞應失色落時青帝合傷神

嫦娥婺女曾相送留下鴟黃作藥塵

興元沈氏莊

清淺縈紆一水間，竹岡藤樹小躋攀。
露沾荒草行人過，月上高林宿鳥還。
江遠武侯籌筆地，雨昏張載勒銘山。
異鄉一笑因酣醉，忘却愁來鬢髮斑。

秋晚高樓

松拂疎窗竹映闌，素琴幽怨不成彈。
清霄霽極雲離岫，紫禁風高露滿盤。
晚蝶飄零經宿雨，莫鴉淩亂報秋寒。
高樓瞪目歸鴻遠，始信嵇康欲畫難。

柳

春思春愁一萬枝，遠村遙岸寄相思。
西園有雨和苔長，南內無人拂檻垂。
遊客寂寥緘遠恨，莫鴉啼叫惜芳時。

鹿遺

晚來飛絮如霜鬢，恐爲多情管別離。

春陰

一寸回腸百慮侵，旅愁危涕兩爭禁。
天涯已有銷魂別，樓上寧無擁鼻吟。
感事不關河裏笛，傷心應倍雍門琴。
春雲更覺愁于我，閒蓋低村作暝陰。

寄懷

有客傷春復怨離，夕陽亭畔草青時。
淚隨紅蠟無由制，腸比朱絃恐更危。
梅向好風惟是笑，柳因微雨不勝垂。
雙谿未去饒歸夢，夜夜孤眠枕獨欹。

小院 萬首唐人絕句

小院無人夜烟斜，月轉明清宵易惆悵。
不必有離情。

春雪初霽杏花正芳月上夜吟

霽景明如練繁英杏正芳
姮娥應有語悔共雪爭光

文惠宮人

認得前家令宮人淚滿裙
不知梁佐命全是沈尙書

贈竇尊師

我愛竇高士棄官仍在家
爲嫌句漏令兼不要丹砂

穆天子傳

王母清歌玉琯悲瑤臺
應有再來期穆王不得重相見
恐爲無端哭盛姬

楚天

楚天遙望每長嘯
宋玉襄王盡作塵
不會瑤姬朝與暮

鹿遺

三晨風閣

更爲雲雨待何人

寄徐山人

一室清羸鶴體孤
氣和神瑩爽冰壺
吳中高士雖求死
不那稽山有謝敷

題宗人故帖

所忠無處訪相如
風篔簹塵編迹尙餘
惟有孝標情最厚
一編遺在茂陵書

登興元城觀烽火

漢川城上角三呼
扈蹕防邊列萬夫
褒姒冢前烽火起
不知泉下破顏無

鄧艾廟

昭烈遺黎死尙羞揮刀斫石恨譙周如何千載留遺廟
血食巴山伴武侯

曲江春望

杏豔桃光奪晚霞樂遊無廟有年華漢朝冠蓋皆陵墓
十里宜春下苑花

漢殿

鳥去雲飛意不通夜墮斜月轉相風君王寂寞無消息
却就人間覓巨公

賀李昌時禁苑新命

振鷺翔鸞集禁闈玉堂珠樹瑩風儀不知新到靈和殿
張緒何如柳一枝

鹿遺

牡丹

顏色無因饒錦繡馨香惟解掩蘭蓀那堪更被烟蒙蔽
南國西施泣斷魂

羅江驛

數枝高柳帶鳴鴉一樹山榴自落花已是向來多淚眼
短亭回首在天涯

垂柳

絆惹春風別有情世間誰敢鬪盈盈楚王江畔無端種
餒損纖腰學不成

奏捷西蜀題沱江驛

野客乘軺非所宜況將儒懦報戎機錦江不識臨邛酒

且免相如渴病歸

春早落英

紛紛從此見花殘
轉覺長繩繫日難
樓上有愁春不淺
小桃風雪凭闌干

仲山

高祖兄仲山
隱居之所

千載遺踪寄薜蘿
沛中鄉里漢山河
長陵亦是閒工壠
異日誰知與仲多

漢祠

漢嗣安危繫數君
高皇意決勢難分
張良口辨周昌吃
同建儲宮第一勳

四老廟

鹿遺

五晨風閣

西漢儲宮定不傾
可能圖綺勝良平
舉朝公相無全策
借請閑人羽翼成

南梁戲題漢高廟

數載從軍似武夫
今隨戎捷氣偏籠漢
王若問何爲者
免道高陽舊酒徒

洛神

人世仙家本自殊
何須相見向中途
驚鴻瞥過遊龍去
漫憐陳王一事無

初秋到慈州冬首換絳牧

秋杪方攀玉樹枝
隔年無計待春暉
自嫌暫作仙城守
不逐鶯來共燕飛

重經馮家舊里

馮家舊宅閉柴關，修竹猶存橘水灣。
應繫星辰天上去，不留英骨葬人間。

克復後登安國寺閣

千門萬戶鞠蒿藜，斷燼遺垣一望迷。
惆悵建章鴛瓦盡，夜來空見玉繩低。

題虔僧室

何緣春恨貯離憂，欲入空門萬事休。
水月定中何所爲，也嗔眉黛托腮愁。

見煬帝寶帳

漢文窮相作前王，慳惜明珠不斗量。
翡翠鮫綃何所值，

鹿遺

六晨風閣

千稗萬接上書囊，
樓上偶題

塵土無因狎隱淪，青山一望每傷神。
可能前嶺空喬木，應有懷才抱器人。

親仁里問猿

朱雀街東半夜驚，楚魂湘夢兩徒清。
五更撩亂趨朝火，滿口塵埃亦數聲。

聞李濱司勳下世

異鄉丹旆已飄揚，一顧深知實未忘。
任被褚裒泉下笑，重將北面哭眞長。

試夜題省廊柱

麻衣穿穴兩京塵十見東堂綠桂春今日競飛楊葉箭
魏舒休作畫籌人

竹風

竹映風窗數陣斜旅人愁坐思無涯夜來留得江湖夢
全爲乾聲似荻花

長溪秋望

柳短莎長溪水流雨微烟暝立溪頭寒鴉閃閃前山去
杜曲黃昏獨自愁

嚴子陵

嚴陵情性是眞狂牴觸三公傲帝王不怕舊交噴僭越
喚它侯霸作君房

鹿遺

北齊

草草招提強據鞍周師乘勝莫回看背城肯戰知虛實
爭奈人前忍笑難

楚世家

偏信由來惑是非一言邪佞脫危機張儀重入懷王手
駟馬安車却放歸

驪山道中

月殿眞妃下綵烟漁陽追虜及湯泉君王指點新豐樹
幾不親留七寶鞭

韋曲

欲寫愁腸愧不才多情練漉已低摧窮交二月初離別

獨旁寒村嗅野梅

黃子陂荷花

十頃狂風撼麴塵
綠隄照水露紅新
世間花氣皆愁絕
恰是蓮香更惱人

野行

蝶戀晚花終不去
鷗逢春水固難飛
野人心地都無著
伴蝶隨鷗亦不歸

鹿門集拾遺終

甲辰秋九月鈔王乃昭藏本并校補 耿庵

唐彥謙詩藏書家著錄者甚罕其編入胡氏唐

鹿遺

八長風閣

音戊籤者僅二卷乾隆癸卯中秋借陸恭所藏
金孝章手抄鹿門集凡三卷與唐藝文志合暇
以戊籤校之其詩在三卷中者祇五首餘俱在
孝章拾遺卷中別有二十三首拾遺所無因為
續補遺一卷附傳本之後云廿九日吳翌鳳識

鹿門集續補遺目錄

春殘

上巳寄韓公

玫瑰

春雨

移莎

紅葉

漢代

送樊瑄司業還朝

咸通中始聞褚河南歸葬陽翟是年上平徐方大

肆慶賞又詔八品錫其裔孫追敘風概因成二

十韻

離鸞

春深獨行馬上有作

韋曲野思

岐王宅

亂後經表兄瓊花觀舊居

賀李昌時禁苑新命

寄蔣二十四

續目

一 晨風閣

秋霽夜吟寄友人

奉使岐下聞唐弘夫行軍

為賊所擒傷而有作

西明寺威公益池新稻

鷓鴣

夜蟬

螢

送韋向之睦州謁使君

牡丹

遺句附

目錄終

鹿門集續補遺

春殘

景爲春時短愁隨別夜長暫慕靈號隱輕醉不成鄉風
雨曾通夕莓苔有衆芳落花如便去樓上卽河梁

上巳寄韓公

上已接寒食鶯花寥落晨微潑火雨草草踏青人涼
似三秋景清無九陌塵與余同病者對此合傷神

玫瑰

麝炷騰清燦絞紗覆綠蒙宮妝臨曉日錦段落東風無
力春烟裏多愁暮雨中不知何事意深淺兩船紅

春雨

鹿續

一
晨風閣

綺陌夜來雨春樓寒望迷遠容迎燕戲亂響隔鶯啼有
恨開蘭室無言對李蹊花欹渾拂檻柳重欲垂隄燈檠
昏魚目薰爐咽麝臍別輕天北鶴夢怯汝南鷄入戶侵
羅幌梢簷潤繡題新豐樹已失長信草初齊亂蛻寒猶
舞驚烏暝不栖庾郎盤馬地却怕有春泥

移莎

移從杜城西置在小齋東正是高秋裏仍兼細雨中結
根方逆竹疎蔭說高桐冉冉齊芳草飄飄笑斷蓬片時
留靜者一夜響鳴蛩野露通宵滴溪烟盡日蒙試才卑
庾韭求味笑周菘只此霜栽好他時贈伯翁

紅葉

無處不飄揚高樓臨道旁素娥前夕月青女夜來霜
雨隨時潤秋晴著物光幽懷長若此病眼更相妨蜀紙
裁深色燕脂落靚妝低叢侵小閣倒影入回塘謝朓留
霞綺甘寧素錦張何人休遠道是處有斜陽薛荔垂書
幌梧桐墜井床晚風生旅館寒箒近僧房桂綠明淮甸
楓丹照楚鄉雁疎臨郭杜蟬急傍瀟湘樹異桓宣武園
非顧辟疆茂陵愁卧客不自保危腸

漢代

漢代金爲屋吳宮綺作寮艷詞傳靜婉新曲定妖嬈箭
響猶殘夢籤聲報早朝鮮明臨曉日回轉度春宵半袖
籠清鏡前絲壓翠翹靜多如有待閒極似無慘梓澤花

鹿續

二晨風閣

猶滿靈和柳未凋障昏巫峽雨屏掩浙江潮未信潘名
岳應疑史姓蕭漏因歌暫斷燈爲雨頻挑飲酒闌三雅
投壺賽百嬌鈿蟬新翅重金鴨舊香焦水淨疑澄練霞
孤欲建標別隨秦柱促愁爲蜀絃么冬旻難瘳痺臨叩
但發瘖聯詩徵弱絮思友味甘蕉王氏憐諸謝周郎定
小喬黼幃翹絲雅波扇畫文歸苻密妨垂釣荷歛欲渡
橋不因秋帶水誰覺路迢迢

送樊瑄司業還朝

近者蘇司業文雄道最光夫君居大學妙譽繼中行汲
邵陵初發汾陰篋久亡寂寥方倚席容易忽升堂去日
應懸榻來時定裂裳愜心頻捨芥應手屢穿楊辨給如

無敵飛騰固自強論心期舌在問事畏頭長駟馬終題
柱諸生悉面墻嗆螯譏爾雅賣餅訴公羊未見泥函谷
俄驚火建章烟塵昏象魏行在隔巴梁紅粟填鄜陽青
袍過壽陽剪茅行殿濕伐柏舊陵香燾室青衿盡渠門
大旆揚雲飛同去國星散各殊方賤子悲窮轍當年亦
擅塲螿辛尋幼婦醴酒憶先王聖域探姬孔皇風樂禹
湯畏誅輕李喜言命小臧蒼折樹休盤粟沈鉤且釣璜
鴻都問詞客他日莫相忘

咸通中始聞褚河南歸葬陽翟是年上平徐方

大肆慶賞又詔八品錫其裔孫追敘風概因

成二十韻

鹿續

三晨風閣

冊府藏餘烈皇綱正本朝不聽還笏諫幾覆綴梳桃咫
尺言終直愴惶道已消淚心傳位日揮涕受遺朝飛燕
潛來趙黃龍豈見譙既迷秦帝鹿難問賈生鵬穆卜絨
滕祕金根轍迹遙北軍那奪印東海漫難橋羅織黃門
訟筌黃白骨銷炎方無信息丹旒竟淪漂邂逅江魚食
漢涼楚客招文忠徒諡議子卯但簫韶未見公侯復尋
傷嗣續凋流年隨逝水高誼薄層霄柱石林公遠縑紉
故國饒奇蹤天驥活遺軸錦鸞翹近者淮夷勦前年歸
馬調始聞移北葬兼議蔭山苗聖澤覃將溥貞魂喜定
飄異時窮巷客懷古漫成謠

離鸞

聞道離鸞思故鄉也知情願嫁王昌塵埃一別楊朱路
風月三年宋玉墻下疾不成雙點淚斷多難到九回腸
庭前佳樹名梔子試結同心寄謝娘

春深獨行馬上有作

日烈風高野草香百花狼籍柳披猖連天瑞靄千門遠
夾道新陰九陌長衆飲不歡逃席酒獨行無味放遊韉
年來與問閒遊者若箇傷春向路旁

韋曲野思

澹霧輕陰匝四垂絲塘秋望獨顰眉野蘆墮水無人見
寒鷺窺魚共影知九陌要津勞目擊五湖閒夢誘心期
孤燈夜夜愁欹枕一覺滄洲似昔時

鹿續

四晨風閣

岐王宅

朱邸平臺隔禁闈貴遊陳迹尙依稀雲低雍時祈年去
雨細長楊從獵歸申白賓朋傳道義應劉文采寄音徽
承平舊物唯君一作名盡猶寫雕鞍伴六飛

亂後經表兄瓊花觀舊居

一去仙居似轉蓬再經花謝倚春叢醉中篇什金聲在
別後音書錦字空長憶映碑逢若士未曾攜杖逐壺公
東風狼籍苔侵逕蕙草香消杏帶紅

賀李昌時禁苑新命

玉簡金文直上清禁垣丹地閉嚴扃黃扉議政參元化
紫殿稱觴拂壽星萬戶千門迷步武非烟非霧隔儀形

塵埃舊侶無奇信知道遼東鶴姓丁

寄蔣二十四

鳥嘯蜂飛日漸長旅人情味悔思量禪門澹泊無心地
世事生疎欲面墻二月雲烟迷柳色九衢風土帶花香
亦知高士禁愁寂試倚闌干莫斷腸

秋霽夜吟寄友人

槐柳蕭疎溽暑收商金頻伏火西流塵衣歲晚緣身賤
雨簟更深滿背秋前事悲涼何足道遠書慵懶未能修
惟思待月高梧下更就東林訪惠休

奉使岐下聞唐弘夫行軍爲賊所擒傷而有作

報國捐軀實壯夫楚囚垂欲復神都雲臺畫象皆何者

鹿續

五

長風閣

青史書名或不孤散卒半隨袁校尉寡妻休問辟司徒
聞君敗績無歸計氣激星辰坐向隅

西明寺威公盆池新稻

爲笑江南種稻時露蟬鳴後雨霏蓮盆積澗分畦小
藻井垂陰擢秀稀得地又生金粟界結根仍對水田衣
支公尙有三吳思更使幽人憶釣磯

鷓鴣

一宿南塘烟雨時好風搖動綠波微驚離曉岸衝花去
暖下春汀照影飛華屋然絃彈鼓舞綺窗含筆澹毛衣
畫屏見後長回首爭得雕籠莫放歸

夜蟬

翠竹高梧夾後溪，勁風危露雨淒淒。那知北牖殘燈暗，又送西樓片月低。清夜更長應未已，遠烟尋斷莫頻嘶。羈人此夕如三歲，不整寒衾待曙曦。

螢

日下蕪城莽蒼中，濕螢掩亂起衰叢。寒烟陳后長門閉，夜雨隋家舊苑空。星散欲陵前檻月，影低如試北窗風。羈人此夕方愁緒，心似寒灰首似蓬。

送韋向之睦州謁使君

才子南遊多遠情，閑舟蕩漾任春行。新安江上長如此，何似新安太守清。

牡丹

鹿續

六
晨風閣

青帝於君事分偏，濃堆浮豔倚朱門。雖然占得笙歌地，將甚酬他雨露恩。

附

遺句 見魏慶之詩人玉屑

獨來成悵望，不去泥闌干。惜花

鹿門集續補遺終

歸人批又吹三級不寐與念古對鏡

又送西歸計日相期更與別未上臺階轉相與別

附錄

舊唐書云彥謙字茂業咸通末應進士才高負氣無所
屈降十餘年不第乾符末河南盜起兩都覆沒以其家
避地漢南中和中王重榮鎮河中辟爲從事累奏至河
中節度副使歷晉絳二州刺史彥謙博學多藝文詞壯
麗至於書畫音樂博飲之技無不出於輩流尤能七言
詩少時師溫庭筠故文格類之光啟末王重榮爲部下
所害朝議責參佐貶爲漢中掾曹楊守亮鎮興元聞其
名署爲判官累官至副使闔壁三郡刺史卒於漢中有
詩數百篇號鹿門先生集行于世

藝文志云詩集三卷

高棟云并州人

鹿附

紀事云彥謙卽陶穀之祖也穀避晉祖諱改姓陶後遂
不易識者非之

癸卯九月初吉借古歡堂新鈔本影寫于叢桂軒
越三日燈下畢茂苑張德榮識

右唐彥謙鹿門集三卷拾遺一卷續補遺一卷從上虞
羅叔言參事鈔得書凡三卷與唐志合校以全唐詩多
寡次第均同唯并三卷爲一卷耳又卷上有憶孟浩然
一首卷中有過浩然先生墓贈孟德茂二首彥謙生
年距浩然父子尚百餘歲何由與之贈答恐屬入他人
之作否則僞作也刊成附識于末以論大雅君子宣統
改元秋八月番禺沈宗畸

鹿跋

一
晨
風
閣



